

## ZAPISNIK

### sa 04. Sastanka Privrednog savjeta Grada Zenica

Sastanak je održan 01.09.2016. godine s početkom u 14:00 u Maloj sali zgrade Gradske uprave Grada Zenica (II sprat).

Spisak prisutnih u prilogu

Dnevni red sastanka:

- Koncept projektnog prijedloga – Program podrške lokalnim partnerstvima za zapošljavanje u Bosni i Hercegovini
- Informacija o novom Zakonu o javno-privatnom partnerstvu – Identifikacija potencijalnih projekata za JPP

#### Ad.1.

Predsjedavajući Privrednog savjeta Jugoslav Anđelić je pozdravio sve prisutne i najavio dnevni red. U kratkom obraćanju je predstavio Program podrške lokalnim partnerstvima za zapošljavanje u Bosni i Hercegovini, koji implementira Međunarodna organizacija rada (ILO), a finansira Delegacija Evropske komisije u BiH. Sredstva za implementaciju pomenutog programa za cijelu BiH iznose 2.8 miliona eura, a individualnim projektima se može aplicirati u graničnim vrijednostima od 150.000,00 EUR do 200.000,00 EUR. Pored toga, svaki projektni prijedlog mora involvirati minimalno pet (5) subjekata (grad/općina, javna služba za zapošljavanje, poslodavac, obrazovna ustanova i nevladin sektor poput udruženja poslodavaca, lokalnih i regionalnih agencija).

Predsjedavajući je potom najavio da će Senad Pašalić govoriti o konceptu zajedničkog projektnog prijedloga da će v.d. Gradonačelnika Selver Keleštura elaborirati na drugu tačku dnevnog reda odnosno o novom Zakonu o javno-privatnom partnerstvu.

- Senad Pašalić je prisutne upoznao s pripremljenim konceptom projektnog prijedloga, koji je prethodno podijeljen prisutnima. Generalna ideja je da obuhvati nekoliko pravaca djelovanja i da se osnaže već postojeći mehanizmi za otvaranje biznisa i novog zapošljavanja. Dakle, ideja je da se obezbijede sredstva za kreiranje fondova za poslodavce za zapošljavanje nezaposlenih, a u skladu s potrebama poslodavaca (npr. fond za dobijanje različitih certifikata), zatim za edukacije ili prekvalifikaciju, a koje mogu raditi beneficirane institucije (obuka na CNC mašinama u Tehničkoj školi Zenica, zavarivanje na Institutu u Tuzli i slično). Podsticati uspostavljanje praktične nastave u ljetnom periodu za srednjoškolce. Podržati samozapošljavanja u poljoprivredi, budući da se svake godine izdvajaju budžetska sredstva za podsticaje u poljoprivredi.
- U prvoj fazi je neophodno dostaviti konceptni prijedlog nakon čega će slijediti evulacija svih pristiglih prijedloga. Odabrani projektni prijedlozi će u sljedećoj fazi pristupiti izradu projektnih prijedloga s preciznim aktivnostima.
- Tada bi se jasno definisala koordinacija kao aktivnosti svih aktera (Grad Zenica vodeći aplikant, Zenička razvojna agencija ZEDA, JU Služba za zapošljavanje Zeničko-dobojskog kantona, Univerzitet u Zenici, Tehnička škola Zenica, Udruženje poslodavaca Zenica, preduzeće Almy, preduzeće Pero, preduzeće Braća Karić)
- Konceptni prijedlog ne predlaže nikakve radikalne mjere već sistemski pristup radu svih aktera
- V.D. Gradonačelnika Selver Keleštura je kazao da Privredni savjet treba govoriti o ovim temama, da svi akteri trebaju kazati svoj stav i kako djelovati. Naglasio je da svako mora

preuzeti dio odgovornosti i intenzivirati svoje aktivnosti. Uspostavljanje sistematskog pristupa u oblasti zapošljavanja zahtijeva žrtvu i izlazak iz zone komfora.

- Direktor Agencije ZEDA je dodao par napomena u vezi s Programom podrške lokalnim partnerstvima za zapošljavanje da je suština zapošljavanje, a koje će proizaći izgradnjom sistema odnosno međusobnom saradnjom programom definisanih aktera.
- Mladen Perić je tražio potvrdu da, u slučaju realizacije projekta, sva preduzeća mogu biti uključena u realizaciji planiranih aktivnosti, a ne samo ova koja su potpisala pisma saglasnosti.
- Senda Pašalić je potvrdio da preduzeća koja su potpisala pisma saglasnosti (Almy, Pero i Braća Karić) neće imati preferencijalni tretman nego da će pravo sudjelovanja imati sva preduzeća koja imaju potencijal za nova zapošljavanja.
- Mlade Perić je kazao da sva preduzeća koja budu uzela učešće u realizaciji projektnih aktivnosti moraju obezbijediti sufinansiranje te da se broj očekivanih radnih mjesta predviđenih u konceptnom prijedlogu treba smanjiti.
- Edin Šarić je dodao da potrebe poslodavaca moraju biti identifikovane uz sugestiju da ministarstvo za obrazovanje Zeničko-dobojskog kantona sudjeluje u tom procesu.
- Direktor Tehničke škole, Mujo Zvekić je kazao da su i formalno i neformalno obrazovanje od izuzetnog značaja za razvoj kvalitetne radne snage. Pomenuo je i da Zakon o obrazovanju odraslih daje više mogućnosti školama za kreiranje programa obuke za određene struje. Napomenuo je da se otprilike godinu dana kasni s implementacijom Zakona o obrazovanju odraslih te da Ministarstvo obrazovanja Zeničko-dobojskog kantona zahtijeva program obuke/prekvalifikacije u svhu izdavanja javne isprave. Mišljenja je da se što prije trebaju pokrenuti programi neformalnog obrazovanja jer novi zakon omogućava prekvalifikaciju.
- V.D. Gradonačelnika Selver Keleštura je kazao da će se predvidjeti projekti za podsticaje i shodno tome planirati i budžetska sredstva. Rekao je da vrlo važno biti odgovoran u implementaciji svih projekata te postići rezultate i željene efekte. Dakle, opredjeljenje gradske uprave je da ulazi u partnerstva koja može iznijeti i realizovati svoje obaveze. Pojedine općine su dospjele na "crnu listu" Evropske komisije i drugih donatora zbog neuspješne implementacije projekata.
- Mladen Perić je kazao da se u okviru projekta, a u sklopu formalnog obrazovanja treba realizovati programe praktične nastave posebno u ljetnom periodu. Poslodavci u ljetnom periodu, zbog godišnjih odmora, imaju potrebu za studentima koji mogu steći neophodnu praksu, a pri tome biti i plaćeni.
- Direktor JU Službe za zapošljavanje Zeničko-dobojskog kantona – jedinica Zenica Marinko Kelavić je izrazio zadovoljstvo prisustva ovom sastanku i pozdravio zajedničku inicijativu svih aktera. Potom je dao nekolicinu tehničkih savjeta u vezi s aplikacijom (staviti veći akcenat na žensku populaciju i ostale konstitutivne narode, ne tražiti maksimalni iznos) te sugerisao da Grad Zenica u svome budžetu mora planirati budžetska sredstva za Udruženja Poslodavaca.

## Ad.2.

- V.D. Gradonačelnika je prisutne obavijestio da je u mjesecu julu usvojen novi zakon o javno-privatnom partnerstvu Zeničko-dobojskog kantona. U protekle tri godine nije realizovan, a nije pokrenut niti jedan projekat JPP-a zbog komplikovane procedure. Novi zakon nudi nova rješenja i mogućnosti, a sama procedura je unaprijeđena i pojednostavljena. S tim u vezi, u srijedu 31.08.2016. godine održan je zajednički sastanak sa direktorima javnih preduzeća i javnih ustanova na kome je prezentiran novi zakon o javno-privatnom partnerstvu. Dogovoreno je da do 20.09.2016. godine pripreme projekte koji se mogu realizovati u partnerstvu s privatnim sektorom, a ti će projekti biti prezentovani na sjednici Privrednog savjeta.
- Mladen Perić je kazao da privrednici već imaju u planu konkretne ideje koje će prezentirati.

Satanak završen u 15:30.